



«19» 01 2025թ.  
№ ԴԿԱՆ-ԳԿԿ-23

« ՇԵՆ ԴԵԿՈՐ» ՍՊԸ (ՀՎՀՀ 01310118)  
ՀՀ, ք. Վեդի, Շրջանցող փ, տ 24  
Հեռ. 094 337533  
Էլ. փոստի հասցե՝ gnumner2020@mail.ru

ՀՀ պաշտպանության նախարարության և «ՇԵՆ ԴԵԿՈՐ» ՍՊ ընկերության (այսուհետև՝ Ընկերություն) միջև 08.05.2024թ. կնքված N ԳՀԱՊՁԲ-24-7/4-4 գնման պայմանագրի (այսուհետև՝ Պայմանագիր) շրջանակներում Ընկերությունը 2024 թվականի 2-րդ եռամսյակում պետք է մատակարարեր 300 հատ հրշեջ դույլ: Ընկերության կողմից 2 անգամ մատակարարվել են հրշեջ դույլեր, սակայն չեն համապատասխանել Պայմանագրով սահմանված տեխնիկական պայմաններին:

Հիմք ընդունելով Պայմանագրի 2.1.7.1 կետի «ա» ենթակետը (մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում) և «բ» ենթակետը (ապրանքի մատակարարման ժամկետները խախտվել են 20 օրից ավելի)՝ ՀՀ պաշտպանության նախարարությունը 2025թ. հունվարի 14-ին միակողմանի ամբողջությամբ լուծել է Պայմանագիրը:

Տեղեկացնում եմ, որ «ՇԵՆ ԴԵԿՈՐ» ՍՊ ընկերությունը պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական 900005028106 հաշվեհամարին փոխանցել 14850 ՀՀ դրամ՝ որպես տուգանք (Պայմանագրի 6.3 կետի համաձայն) և 57240 ՀՀ դրամ՝ որպես տույժ Պայմանագրի 6.2 կետի համաձայն ինչպես նաև Պայմանագրի միակողմանի մասնակի լուծման արդյունքում ենթակա է գանձման պայմանագրի կատարման ապահովման գումարը՝ 120000 ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական 900005000758 հաշվեհամարին և որակավորման ապահովման գումարը՝ 180000 ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական 900008000664 հաշվեհամարին: Տույժերն ու տուգանքները հաշվարկված են 2024թ. դեկտեմբերի 10-ի դրությամբ:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Ելնելով վերոգրյալից տեղեկացնում եմ, եթե մինչև **2025թ. հունվարի 24-ը** ներառյալ Ձեր կողմից վճարվի վերը նշված **120000 ՀՀ դրամ**՝ պայմանագրի կատարման ապահովման և **180000 ՀՀ դրամ**՝ որակավորման ապահովման գումարները, ապա «ՇԵՆ ԴԵԿՈՐ» ՍՊ ընկերությունը չի ներառվի գնումների գործընթացին մասնակցելու իրավունք չունեցող մասնակիցների ցուցակում: Նշված գումարները անհրաժեշտ է վճարել Կենտրոնական գանձապետարանում լիազորված մարմնի անվամբ բացված վերը նշված գանձապետական հաշիվներին և վճարված կտրոնների բնօրինակները մինչև **2025թ. հունվարի 24-ը** ներառյալ ներկայացնել ՀՀ ՊՆ գնումների կազմակերպման վարչություն, 2075 սենյակ:

Տեղեկացնում եմ նաև, որ պայմանագրի և որակավորման ապահովման գումարները, ինչպես նաև հաշվարկված տույժի ու տուգանքի գումարերը Ձեր կողմից չվճարելու դեպքում ՀՀ պաշտպանության նախարարությունը կձեռնարկի միջոցներ դրանց գանձելու ուղղությամբ:



Կ. ԲՐՈՒՏՅԱՆ